



Inatsisartunut ilaasortaq
Mariane Paviasen, Inuit Ataqtigiit
/Maani

Savat toqorarnerannut tunngatillugu § 37 naapertorlugu apeqquteqaammut nr. 189-2024-mut akissut

Asasara Mariane Paviasen

Inatsisartut suleriaasianni § 37, imm. 1 naapertorlugu savat toqorarnerat pillugu
Naalakkersuisunut apeqquteqaateqarputit.
Apeqqutitit uannit akisassanngorlugit innersuunneqarput.

1. Savat toqarartarnerannut peqquitasut suunerinik misissuinerup killiffianik naalakkersuisut saqqummiussisinnaappat?

Akissut:

Savaaqat tammartarnerinut toqusarnerinulluunniit tunngaviusut
misissuiffigineqarnerat ingerlavoq. Misissuinerup inernerit Inatsisartut 2025-mi
Upernaakkut Ataatsimiinnerinut atatillugu saqqummiunneqassapput.

Savaatillit suleqataasullu attuumassuteqartut allat akornanni apersuilluni
peqqissaartumik sukumiisumillu misissuisoqarpoq. Savaatillit annertunerusumik
tapersiinissaat, piffissanilu suleraluffiini annikinnerpaamik
akornusersorneqannginnissaat qulakkeerniarlugu suliaq taanna arlaleriarluni
nangeqqinneqartarsimavoq. Tamatuma saniatigut paasissutissat Savaatillit
Peqatigiiffiit Suleqatigiissumit pigineqartut, kiisalu nattoralinnut
tunngassuteqartut tunuliaqutaannik misissueqqissaarnissaq siunertarlugu
immikkut ilisimasallit paasiniaaffigineqarput.

Nunalerinermut, Imminut Pilersornermut, Nukissiutinut Avatangiisinullu
Naalakkersuisoqarfik apeqqutinik immersorlugit akisassanik suliaqarsimavoq,
tunuliaqutaasunillu misissueqqissaarnenik aallarniutaasunik suliaqarsimalluni.
Savaatillit 35-t Naalakkersuisoqarfimmiit apersorneqarput. Apersuinerup
immikkoortua siulleq 2023-mi ukiup affaani siullermi ingerlanneqarpoq.
Apersuinerup immikkoortuata aappaa 2024-mi qaammatit pingasukkaat
aappaanni pingajuannilu ingerlanneqarsimalluni.

Maannarpiaq misissueqqissaarnerit nalunaarusiallu allanneqarnera ingerlapput.

2. Misissuinerup kikkut peqataatinneqarpat?

Akissut: Apeqqut 1-imut akissut innersuussutigineqarpoq.

Allakkap ullua: 13-09-2024
Suliap normua: 2024 - 16666
Allagaatip ilisarnaataa:
24557826

Postboks 1614
3900 Nuuk
Oqa.: (+299) 34 50 00
Fax: (+299) 34 54 10
E-mail: pan@nаноq.gl
www.naalakkersuisut.gl

3. Nattoralinnik kisitsineq qanga allartinneqarpa?

Akissut:

Savaqqat toqusarnerinik misissuineq ilaatigut Kalaallit Nunaata kujataani nattoralnit amerliartornerat pillugit nassuiaammik ilaqassaaq. Nattoralnit amerliartorneranut ilisimasat pillugit najoqqutassanit assigiinngitsunit pissarsisoqarpoq taakkulu nassuiaammut inaarutaasumi ilanngunneqassallutik.

Matumunnga akissuteqarnissamut Pinngortitaleriffimmiit paasissutissanik pissarsisoqarpoq. Pinngortitaleriffik ilisimatitsivoq, 2023-mi Pinngortitaleriffik timmissat tigutsisillit eqqarsaatigalugit Pinngortitaleriffimmi pisinnaasat, taakkunungalugu nattoralinnik ilisimatusarnermik pilersitsinissaq ilanngullugu annertusiniarlugit piffissami ukiuni tallimani avataaniit aningaasaliiffigineqarsimasoq. Suliassami Pinngortitaleriffiup ataani Kalaallit Nunaat ornillugu piffissaq misissuiffiusoq siulleq 2024-mi juulimi aggustimilu ingerlanneqarpoq, tassanilu nattoralnit ulluisa ilaat nalunaarsorneqarput. Tamatuma saniatigut najukkani innuttaasut aallarniutaasumik oqaloqatigineqarput. Suliamut nattoralnit sumiissusersiorneranut qaammataasatigut takussutissiat ilanngunneqassapput. Pinngortitaleriffik nattoralinnik kisitsinissaanut aningaasanik pissarsinngilaq.

Pinngortitaleriffiup suliaa pillugu Naalakkersuisoqarfik ilisimatinneqarsimavoq, taamatullu Pinngortitaleriffik savaqqat toqusarnerinik misissuineq pillugu ilisimatinneqarsimalluni. Pinngortitaleriffiup suliaa ingerlavoq, aammalu misissuinerup inerneru kingusinnerusukkut piareerneqassapput.

A) Kisitsinermi kikkut peqataatinneqarpat?

Akissut: Apeqqut 3-mut akissut innersuussutigineqarpoq.

Inussiarnersumik inuulluaqqusillunga


Kalistat Lund

INUIT ATAQATIGIIT INATSISARTUNI



20.08.2024

Inatsisartut Suleriaasianni § 37 naapertorlugu Naalackersuisunut apeqqt imaattoq matumuuna saqqummiuppara.

Naalackersuisunut apeqqt:

- 1. Savat toqarartarnerannut peqquitasut suunerinik misissuinerup killiffianik naalackersuisut saqqummiusisinnaappat?**
- 2. Misissuinermi kikkut peqataatinneqarpat?**
- 3. Nattoralinnik kisitsineq qanga allartinneqarpa?**
 - A) Kisitsinermi kikkut peqataatinneqarpat?**

(Inatsisartunut Ilaasortaq Mariane Paviasen, Inuit Ataqatigiit)

Tungavilersuut:

Ukiakkut 2022-imi imm 32. Inatsisartutut siunnersuuteqarpunga nattoralit kujataani kisinneqassasut Naalackersuisut allannguutissatut siunnersuuteqarput savat sumik peqquteqartumik toqorartarnerannik misissuijumallutik saqqummiussinerlu 2025-imi upernaakkut pissasoq. Maanna misissuineq nattoralinnillu kisitsinissap aalajangiiffigineqarneraniit piffissaq qiterpaarpoq, ilaatigullu savaatillit akorninni suliaqarneq tusarneqarsimagani taamaamat paaserusunnarpoq misissuinerup sumut killissimanera minnerunngitsumillu kikkut peqataatinneqarnerisut.